

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 245871 24 St
Zenica, 19.11.2024. godine

Općinski sud u Zenici, sutkinja Marina Šapina, u stečajnom postupku nad društvom društvom „AL-COMMERCE“ d.o.o. Žabljak bb – Usora, Društvo za unutrašnju i vanjsku trgovinu i saobraćaj, sa sjedištem u Žabljak bb, Usora, odlučujući o prijedlogu likvidatora Alemdara Brkića iz Tešnja, na ročištu održanom dana 19.09.2024.god., u prisustvu likvidatora Alemdara Brkića i punomoćnice Anite Paurić zaposlenice povjerioca Federalni zavod PIO/MIO Mostar KAS Zenica, van ročišta dana 19.11.2024. godine donio je:

R J E Š E N J E

Otvora se i zaključuje stečajni postupak nad društvom Društvo za trgovinu i usluge AL-COMMERCE“ d.o.o. Žabljak bb – Usora, Društvo za unutrašnju i vanjsku trgovinu i saobraćaj, sa sjedištem u Žabljak bb, Usora, matični broj subjekta upisa: 43-01-0127-13 (stari broj 1-6768), zbog nepostojanja stečajne mase, te se nalaže brisanje ovog privrednog društva iz sudskog registra matični broj subjekta upisa: 43-01-0127-13 (stari broj 1-6768), a po pravomoćnosti ovoga rješenja.

O b r a z l o ž e n j e

Predlagatelj „AL-COMMERCE“ d.o.o. Žabljak bb – Usora, Društvo za unutrašnju i vanjsku trgovinu i saobraćaj, sa sjedištem u Žabljak bb, Žabljak, Usora, zastupan po punomoćniku Alemdaru Brkiću, odvjetniku iz Tešnja, ovom sudu je dana 11.01.2023.godine, podnio prijedlog za provođenje likvidacije nad navedenim pravnim licem.

Rješenjem br. 43 0 L 223691 23 L od 21.03.2023. godine, pokrenut je likvidacioni postupak i za likvidatora je imenovan Alemdar Brkić, odvjetnik iz Tešnja.

U likvidacionom postupku potraživanje je prijavio Federalni zavod PIO/MIO Mostar KAS Zenica, u iznosu od 8.906,10 KM. Likvidator je navedeno potraživanje nije osporio, te je u svom izvještaju naveo da društvo nema imovine iz koje bi se moglo izmiriti prijavljeno potraživanje.

Na ročištu radi ispitivanja uvjeta za otvaranje stečajnog postupka održanom dana 19.09.2024.god., likvidator Alemdar Brkić je izjavio da u cjelosti priznaje potraživanje iskazano u dosadašnjem toku postupka, da ostaje kod izvještaja iz likvidacionog postupka, te da osim prijavljenog potraživanja od stran eFZ PIO/ MIO, društvo ima neizmirene obaveze prema UIO Regionalni centar Tuzla, po Rješenju broj: 04/5-2/IV-17-1-UP-I-3-459/23 od 08.05.2023. godine, u iznosu od 340,17 KM. Navodi, da društvo osim navedenih obaveza nema drugih prijavljenih potraživanja. Dalje navodi, da društvo nema nikakve imovine kako pokretne, tako nepokretne, niti nenaplaćenih potraživanja od trećih lica, a što proizilazi iz dostavljene dokumentacije: Potvrde Raiffeisen banke od 30.12.2022.

godine, Potvrde Općinskog suda Tešanj ZK ured od 27.12.2022. godine, te Uvjerenja MUP Zenica, Sektor za administraciju Usora od 10.01.2023. godine, iz kojih proizilazi da društvo nema u svom vlasništvu nekretnine, nema registrirano ni motorno vozilo, niti ima sredstva na računu kod Raiffeisen banke.

Kako iz navedenog proizilazi da društvo ima neizmirene obaveze a nema nikakve imovine iz koje bi se mogli namiriti troškovi postupka, likvidator predlaže da sud pozove povjerioce i zainteresovane osobe da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko niko u ostavljenom roku ne predujmi određeni iznos, da donese rješenje o otvaranju i zaključenju stečajnog postupka nad ovim društvom kao i brisanje istog iz sudskog i drugih registara po pravomoćnosti istoga.

Punomoćnica povjerioca je nije imala pitanja za likvidatora, niti primjedbi na izvještaj, te je suglasna sam sa prijedlogom likvidatora.

Odredbom člana 102. stav 6. Zakona o stečaju („Službene novine F BiH”, broj: 53/21) određeno je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stavom 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102. stav 7. Zakona o stečaju, rješenjem od 03.10.2024. godine pozvao povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 03.10.2024. godine, objavljeno je na oglasnoj tabli suda dana 04.10.2024. godine, na web stranici suda i objavljeno je u „Službenim novinama Federacije BiH“ broj: 79/24 od 09.10.2024. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresirana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečaju, odlučeno kao u izreci ovog rješenja.

Sukladno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje usljed nedostatka stečajne mase prestaje postojati, te brisanje ovog pravnog lica iz sudskog registra.

POUKA O PRAVNOM LIJEKU

Protiv ovog rješenja može se izjaviti žalba Kantonalnom sudu u Zenici u roku od 8 dana, putem ovog suda. Žalba se podnosi putem ovoga suda u tri primjerka.

Sutkinja:

Marina Šapina